



BÜGİNGİSANDA

JAQSY SÓZ JAQSYLYQ  
SHAQYRADY

SOĞYMGÁ NE  
SOIASYZ?

ULTTYQ TÁRBIENIŃ  
ALTYN ARQAÝY

2»

3»

4»

## ҚАУІПСІЗДІК ҚЫРАҒЫ БАҚЫЛАУДА БОЛУЫ ТИІС

Сырдария өзенінен мұз жүру кезінде су тасқыны қаупін шығынсыз өткізу қажет. Төтенше жағдайлардың алдын алу және жою комиссиясының отырысында облыс әкімі Қырымбек Көшербаев осындай міндет қойды.

Назерке САНИЯЗОВА.

Қыс мезгілінде халықтың қауіпсіздігін қамтамасыз ету мәселелері талқыланған ету маусымында аймақ басшысы дер кезінде мониторинг жүргізу және алдын алу шараларын ұйымдастыру су тасқыны кезінде аймақ тұрғындарына зиян келтірмей өтуге мүмкіндік беретінін еске салды.

Жыл сайын өңірде су тасқынының алдын алу, бөгеттердің жағдайын тексеру және зақымдалған аумақтарды нығайту бағытында жұмыс жүргізіледі. Осы орайда біздің бірінші кезектегі міндетіміз – халықтың қауіпсіздігін қамтамасыз ету үшін қолдан келгенің бәрін жасау, – деді облыс әкімі.

Күн тәртібіне сәйкес 2018-2019 жылдардағы болуы ықтимал су тасқынының алдын алу шаралары туралы облыстық жұмылдыру дайындығы бас-

қармасының басшысы Асылбек Шәменов баяндады. Бүгінде Сырдария өзеніндегі қорғаныс бөгеттерінің ұзындығы 609,4 шақырымды құрайды. Онда 56 су басу қаупі бар аймақ белгіленіп, оған қажетті техника және жұмысшылармен жаракталған 109 жауапты мекеме бекітілді. Қызылорда қаласы мен аудандарда су тасқыны кезінде халықты көшіруге арналған 79 эвакуациялық жинақтау, 99 қабылдау пункті дайындыққа келтірілді.

Қазіргі таңда «Шардара» су қоймасынан өзеннің төменгі ағысына секундына 400 текше метр су босатылуда. Облыс аумағына секундына 500 текше метр су келіп тұсауда. Сәйкесінше, «Қызылорда» су торабынан секундына – 405, «Әйтөк» су торабынан – 380, «Қараөзектен» 20 текше метр су төменгі ағысқа



жіберіледі. «Шардара» су қоймасынан төменгі ағысқа судың аз көлемде босатылуынан Жанакорған ауданында су тапшылығы сезіліп отыр. Дегенмен, «Токтағұл» су қоймасында 19,3 млрд текше метр су жиналғанын ескерсек, алдағы уақытта төменгі

ағысқа мол су жіберіліп, ол қауіп төндірмей мүмкін, – деді А.Шәменов. Мониторинг нәтижесіне сүйенсек, аймақтағы 37 нысан қалыпқа келтіруді қажет етеді. Мұз жүру барысында бұзылып, шұғыл жөнделуі тиіс бірінші кезектегі 25 нысан белгіленді.

Қазалы ауданында 18 учаскені жөндеу-қалпына келтіру жұмыстары жүргізілді. Одан кейін облыстық төтенше жағдайлар департаменті бастығының міндетін атқарушы Асқар Төлешов қолайсыз ауа райы және төтенше жағдайлар кезінде жергілікті халықтың

қауіпсіздігін қамтамасыз ету бағытында қабылданған шараларға тоқталды. Қысқы уақытта төтенше жағдайларды жою үшін құрамында 232 адам мен 32 техника бар күш-құралдар әзірленді. Оның ішінде қар құрсауында қалған және күрделі

метеожағдайлар кезінде зардап шеккендерге көмек көрсету мақсатында «Батыс Еуропа-Батыс Қытай» күре жолында апаратын медицина орталығының 3 құтқару бекеті жұмыс істейді. Бұл бекеттердің 50 адамға дейін қабылдау мүмкіндігі бар, – деді А.Төлешов.

Департамент өкілі жиын барысында тағы бір мәселені көтерді. Айтуынша, Қармақшы ауданындағы бірқатар білім ошағы сұйық отымен жұмыс істейтін бу қазандықтары арқылы жылытылады. Ал бұл адам өмірі үшін өте қауіпті. Облыс әкімі аталған мәселені көпке созбай шешу қажеттігін қаперге салды.

Сонымен қатар, комиссия отырысында басқа да жауапты мекемелердің басшылары, қала және аудан әкімдері қысқы маусымға дайындық жайын сөз етті. Аймақ басшысы жауапты тұлғаларға Сырдария өзеніне тәулік бойы мониторинг жүргізіп, жеке құрамды тұрақты дайындықта ұстауды, сондай-ақ, облыстық және республикалық маңызы бар жолдарда қатты суық күндері қозғалысты шектеуді тапсырды.

### MEMLEKETTİK-JEKEMENSHİK ÁRİPTESTİK

## АНГИОГРАФИЯЛЫҚ ЗЕРТХАНАЛАР АЙМАҚ ТҮРҒЫНДАРЫНА ҚЫЗМЕТ КӨРСЕТЕДІ

Аймақтың әлеуметтік мәселелерін шешуде мемлекеттік-жекеменшік әріптестік аясындағы жобалардың маңызы зор. Аталған жобалардың екі тарап үшін де тиімділігі уақыт өткен сайын дәлелденіп келеді. Бүгінде осы бағыттағы 75 жобаның 30-ы, яғни МЖӘ жобаларының жалпы санының 40%-і денсаулық сақтау саласына берілген. Сондай-ақ, спорт, білім беру, цифрландыру салаларын дамыту және тұрғын үй-коммуналдық шаруашылығын жаңғырту жобалары қолға алынған.



Кеше Қызылордада мемлекеттік-жекеменшік әріптестік аясында 2 ангиографиялық зертхана құру жөніндегі келісім-шартқа қол қойылды. Облыс әкімі Қырымбек Көшербаев өңірдің әлеуметтік мәселелерін шешу үшін қолға алынған осындай ірі жобалардың маңызын атап өтті.

Облыстық медициналық орталықта және Қазалы аудандық орталық ауруха-

насында ангиографиялық зертхана құру туралы екі келісімшартқа қол қойылды. Барлық қажетті шаралар жүргізілді. Қазіргі таңда аймақта мемлекеттік-жекеменшік әріптестік аясында құны 34 млрд теңге болатын 75 жоба іске асырылуда, – деді аймақ басшысы.

Облыстық денсаулық сақтау басқармасының басшысы Ақмарал Әлназарованың айтуынша, бізде 2009 жылы

облыстық медициналық орталық базасына орнатылған жалғыз ангиографиялық қондырғы бар. Оның көмегімен 5 мыңнан астам зерттеу жүргізіліп, операциялар жасалған. Нормативтерге сәйкес, 1 ангиографиялық қондырғы 250 мың адамға есептелген, аймақта жалпы қажеттіліктің тек 40%-і ғана қамтылатынын ескерсек, бұл жобаны іске асыру өте қажет.

Ангиографиялық зертханалардың құрылуымен қатар, алғаш рет аудандық аурухана деңгейінде эндоваскулярлық хирургия енгізіледі, бұл жоғары технологиялық медициналық қызметтерді халыққа қолжетімді етуге мүмкіндік береді, – деді А. Әлназарова. Өткен жылы «Медтроник Қазақстан» ЖШС біздің өңірде мемлекеттік-жекеменшік әріптестік аясында ангиографиялық қондырғылар құру туралы бастама көтерген еді.

Әлемдік нарықта – 70, елімізде 10 жылдан астам уақыттан бері жұмыс істеп келе жатқан «Медтроник» компаниясы медицинаның кардиохирургия, диабет, нейрохирургия салаларына арналған құрал-жабдықтар шығарады. Компанияның Орталық Азия елдері мен Қазақстан бойынша директоры Г.Шамшатованың айтуынша, облыстық денсаулық сақтау басқармасымен әріптестік орнату арқылы «Медтроник» екі ауруханадағы операциялық блоктарға ең соңғы үлгідегі жабдықтар қояды. Ангиограф дәрігерлерге емдеудің жаңа тәсілдерін қолдануға, науқастың операция столында қысқа уақыт ғана болуына мүмкіндік береді, бастысы – тиімді нәтижеге қол жеткізеді. Келісім-шартқа қол қойылғаннан кейін операциялық блоктарды дайындау, медицина қызметкерлерін оқыту басталам.

«СБ» ақпарат.

### BAĞDARLAMA BAIANY

Елімізде шағын және орта кәсіпкерлікті қолдауға мемлекет тарапынан жасалып жатқан мүмкіндік көп. Кәсіпкерлер осы қамқорлықтың арқасында табысқа жетуде. Солардың бірі – Сырдария ауданы, Асқар Тоқмағанбетов ауылының тұрғыны Нұрсұлу Ажарова.

Сара АДАЙБАЕВА.

## ТІГІНШІ

Ол он жылдан аса ісмерлік өнерімен айналысып келеді. Бастапқыда қабілетін кәсіпке айналдыру үшін «Ақниет» бағдарламасына қатысты. Жобасы қолдау тауып, 300 мың теңге грант жеңіп алды. Онысына тігін машинасы мен құрал-жабдықтарын жанартты. Ізденімпаз тігінші «Бизнес-кеңесші» сабағына қатысып, біліктілігін арттырды. Бұған дейін үй ішінде азын-аулақ тапсырыс алып келген ісмер шаруасын едәуір ұлғайтты. Жеке цех ашты. Бүгінде Нұрсұлудың қолынан шыққан бұйымдар үлкен сұранысқа ие. Қыз жасауынан бастап, құрақ құрау, ұлттық киімдер мен қойлектер, бесік жасауларын тігу шебердің шынайы еңбегі.

Нұрсұлу бір жағынан мектепте сурет пәнінің мұғалімі. Бейнелеу өнерін жетік меңгерген ол тігіншілікті қатар ұштастырып, кәсібін жандардырып отыр. Аптасына кемі 2 қыздың жасауын дайындайды. Одан бөлек,

қаншама тапсырысы бар. Тұтынушыларынан тек алғыс алған шебер енді балалар мен үлкендерге арналған байпақ, мойынорағыш пен бас киім тікпек. Онысын соңғы үлгідегі

3D бедерлі пішіндермен көмкеруді меңгерген.

Бастысы, еңбектену керек. Алдымен құрал-жабдықтар алып, цех аштым. Кәсіпкерлерге арналған мүмкіндікті пайдаландым. Нәтижесінде жұмысым алға басты, – дейді ол.

Кәсіпкер 2 адамды тұрақты жұмыспен қамтып отыр. Ондағы қыздар да тігін өнерінің қыр-сырына қаныққан. Нағыз өз ісінің шеберлері. Тігінші үнемі заман талабына сай жұмысын жетілдіруді ойлайды. Осы мақсатта облыс орталығында өтетін колөнер шеберлерінің, кәсіпкерлердің түрлі шараларына қатысып, өзі секілді жандармен тәжірибе алмасып, шеберлігін шыңдауда. Кәсібін кеңейту үшін жақында Өңірлік инвестициялық орталықтан 3 млн теңге қаржыға қол жеткізді. Алған қаржысына ескі мақтаны қайта түтіп, жанартатын және көрпе көктейтін станок әкелді. Нәтижесінде жұмысы жеңілдеп, тапсырыс уақыты қысқарды. Жарамсыз деген көрпе-көрпешені қайта қалпына келтіруге мүмкіндік алды.

Мемлекеттік бағдарлама арқылы кәсібін дөңгеленткен тігінші алдағы уақытта шеберлер санын көбейтіп, тапсырыс түрін кеңейтпек. Сонымен қатар тұрғындарға қолжетімді болу үшін аудан орталығынан үлкен тігін цехын ашу жоспарында бар.



Облыстық "Сыр бойы" газетінің жазылу бағасы: **жекелер үшін: 6 айға – 3000 теңге, 12 айға – 6000 теңге.** ЖАЗЫЛУ ИНДЕКСІ-65460. **Мекемелер үшін: 6 айға – 4000 теңге, 12 айға – 8000 теңге.** ЖАЗЫЛУ ИНДЕКСІ – 15460.

BASPASÓZ – 2019

## ҚҰРМЕТТІ ОҚЫРМАН!

2019 жылдың бірінші жартыжылдығына "Сыр медиа" ЖШС-на қарасты газеттерге жазылу науқаны жүргізілуде.

Баспасөзге жазылу бойынша 40-05-81 телефонына хабарласуға және ондағы мамандардың жазылу жүргізу қызметін үйден пайдалануға болады.

Ел және жаһан жаңалықтарын, жедел әрі нақты ақпаратты газет сайтынан да таба аласыз.







